

2368.

1322 d. 29 Nov.

Biskop ISRAEL i Westerås bortbyter  $\frac{1}{4}$  markland i Morby i Lagga socken till Ärkebiskop Olof, mot 17 örtugland i Tunsta i Lundby socken och ett örtugland i Wångsta i Dingtuna socken, hvarpå fasta skall gifvas.

Orig. på perg. i Kongl. Bibl.

Vniuersis presentes litteras inspecturis, Frater ISRAEL dei gracia episcopus et CAPITULUM, arosiense, salutem in domino sempiternam. Notum facimus vniuersis, quod nos cum venerabili patre. domino Olauo archiepiscopo vpsalensi, quendam permutacionem prediorum fecimus in hunc modum, quod videlicet eidem, dimisimus dimidiam Marcham terre in villa Moruby parochie laggaheradh cum omnibus attinencijs ipsius dimidie Marche, longe vel prope positis, pro qua idem dominus archiepiscopus, nobis et ecclesie nostre arosiensi, decem et septem solidos terre in villa tunnastum parohie lundby, cum vno solido terre in villa wangstaa parochie dingitunum, cum omnibus similiter suis attinencijs, reddere et assignare curauit. super qua permutacione, testes seu firmarios dictos fastæ, in puplico pretorio, secundum leges et consuetudinem patrie, dari faciemus eidem. In cuius rei testimonium sigilla nostra presentibus sunt appensa. datum anno domini. M.° CCC.° XXII.° in vigilia beati andree.

Sigillen nästan utplånade.

2369.

1322 d. 17 Dec.

Stockholm.

Abbedissan GERTRUD och KONVENTET i Clara kloster i Stockholm qvittera 40 mark penningar, som Johan Ingemarsson, på Drotsets och Rådets befallning, utbetalt, enligt Hertigarne Eriks och Waldemars testamente.

Orig. på perg. i Kongl. Bibl.

Vniuersis presentes litteras inspecturis Soror GERTRUDIS qualiscumque abbatissa, totusque CONVENTUS sororum in monasterio sancte Clare stockholm, salutem in omnium saluatore. Cum in gestis mortalium nulla cautela sit superflua, et exhibitor presencium discretus uir, johannes jngymarson, nobis quadraginta marchas denariorum assignauerit, de testamento clare memorie, dominorum quondam ducum swecie, erici et waldemari, prout sibi per nobiles viros, dominos, dapiferum et Consiliarios regni extitit demandatum. Idcirco hoc ipsum vbi oportuerit recognoscimus presentibus litteris, sigilli conuentus nostri signaculo consignatis. Datum stockholm, Anno domini, M.° CCC.° XXII.° die veneris infra terciam ebdomadam aduentus.

Sigillet skadadt, på en ur brefvet klippt remsa.